


Asina Organizacion ODEA a celebra dialuna

Celebracion 20 aña di existencia di ODEA den un siman di enfermeria exitoso



ORANJESTAD (AAN): Directiva di ODEA kier a nforma pa medio di e comunicado aki, con exitoso e celebracion di e di 20 aña di existencia a worde comemora durante e siman di enfermeria recientemente. ODEA kier a felicita tur enfermeronan, Ziekenverzorgenden y Bejaardenverzorgenden y



otro trahadornan den cuidu, nan famia, sectornan den cuidu y autoridadnan encarga cu cuidu. Pero sigur tambe e medianan di comunicacion, especialmente Tele Aruba y ATV cu tambe a yuda duna atencion na e siman di enfermeria. Tambe un danki di curazon na nos Pais Aruba pa cu e apoyo/sosten demonstra na ODEA durante nos celebracion di 20 aña y nos siman di enfermeria, cu tabata tin tanto aspectonan di: spiritual, informacion, educacion, concientisacion, motivacion y naturalmente na final e toque festivo.

ODEA, kier comparti en breve na tur esnan ariba menciona con ODEA a experencia y e diferente actividadnan, imagennan durante nos celebracion di 20 aña di existencia y nos siman di enfermeria, cu a tuma lugar entre dialuna 11 te diabierna 15 di mei ultimo.

Dialuna 11 di mei: Aki ODEA a enfoca riba e parti spiritual, pa gradici nos creador pa e forza y perseverancia cu cada directiva di e ultimo 20 añanan, cu awé ODEA por wak back tanto riba e bon temponan y e menos bon temponan, cu cada organizacion ta lucha cu ne pero cu un meta, pa ODEA sigui crece y sgi aporta na e calidad di cuidu na Aruba. ODEA, ta gradici imparitcular Pastor Hario di

Misa Cristo Rey na Brazil cu di un manera unico e special a pone acento riba nos profesion y a pone e vocacion cumo e fundeshi di nos profesion, haciendo uso di un ehempel di Madre Theresa di Calcutta relaciona cu nos profesion. Nos a keda contento di a mira yen di nos coleganan den enfermeria, pero tambe otronan cu ta sostene e profesion di enfermeria engeneral. Un danki special ta bay na coleganan di Stichting Algemeen Bejaardenzorg

Aruba (SABA), Dr. Horacio Oduber (HOH), Wit Gele Kruis (WGK), como tambe directiva di ODEA cu a yuda incansablemente pa d e celebracion spiritual aki y a participa activamente p.e. entrega di un macuto na e iglesia di Barzil pa esnan den mas nesidad. E sacrificio di misa tabata impresionante y a conmove tur presente.. Despues di e santo sacrificio di misa ODEA a entrega un y tur un aprecio pa nan presencia y atencion demonstra na nos celebracion.